

Sacramento City USD

Administrative Regulation

AR 1312.3

Community Relations

KEV UA RAWS CAI THIAB KEV TSIS TXAUS SIAB

Pawg saib xyuas kev ncaj nceeg xaiv cov txais tej lus tsis txaus siab no thiab soj xyuas kom hauv paus tsev kawm ntawv ua raws li kev cai sau tseg.

Associate Superintendent, Human Resource Services

5735 47th Avenue

Sacramento, CA 95824; (916) 643-9058.

Tus Associate Superintendent, Human Resource Services, mam nrhiav cov neeg ua haujlwm uas yuav los mus soj ntsuam xyuas cov lus tsis txaus siab no lawv paub txog tej kev lijchoj thiab tej kev pab ntawd. Cov neeg ua haujlwm no muaj feem ntsib tau cov neeg hais kev lijchoj uas tso cai los ntawm tus thawj tswj fwm (Superintendent) lossis tus nws xaiv los pab nws. (ef. 9124 – Attorney)

Cov kev tsis txaus siab uas tsis muaj ntaub ntawv meej, tsis yog yuav tsum kho tej qho chaw sai sai, thiab/los yog tsis muaj xibfwb qhia ntawv los pauv chaw lawm, cov kev tsis txaus siab no yuav muab teev tseg rau tom tus thawj coj lossis nws tus pab nws tom lub tsev kawm ntawv uas cov lus tsis txaus siab no tshwm sim raws li txoj cai hauv Administration Regulations 1312.4.

KEV HAIS QHIA

Tus Associate Superintendent, Human Resource Services, yuav tsum ua kom raws li cov kev hais qhia hauv 5 CCR 4622, nrog rau hauv paus tsev kawm ntawv tej kev hais qhia kom sawvdaws paub txog tias yuav ua li cas yog tsis txaus siab txog ib yam dabtsi thiab yuav coj mus rau leejtwg hais tau, tau kev pab li cas los ntawm txoj cai thiab kev tsis txaus siab loj npaum li cas thiaj coj tau ncaj qha mus hais rau tom California Department of Education. Tus Associate Superintendent, Human Resource Services mam li ua tus qhia ntxiv rau tus tsis txaus siab kom nws nkag siab tias yog nws xav tau kev pab los ntawm txoj cai dabtsi ntxiv los yog yuav coj mus rau leejtwg pab nws hais ntxiv los yeej tau. (e.f. 5145.6-Parental Notifications)

TEJ KEV YUAV TSUM UA KOM MUS RAWS LI CAS

Qhov tom qab no yuav tsum tau siv txoj kev dabtsi los mus hais txog ib txog kev tsis txaus siab, uas hais txog hauv paus tsev kawm ntawv ua ib yam dabtsi tsis raws li txoj cai teev tseg los ntawm lub nom tswv lub tebchaws lossis lub lav los yog tej kev lijchoj ntawm kev qhia ntaub ntawv. Cov txais tej lus tsis txaus siab no yuav tsum sau tseg txhua zaus lus tsis txaus siab tau tshwm sim thiab tej kev siv los mus daws mus raws li cas, thiab txhua yam uas yuav tsum mus raws li Kev Cai LijChoj Tshooj 5 CCR 4632.

Txhua tus muaj feem rau qhov kev tsis txaus siab no yuav tsum tau txais xov thaum kev tsis txaus siab tau muab sau ua ntaub ntawv hais tawm, muaj kev sibtham txog lossis kev txiav txim thiab thaum txiav txim mus li cas rau li cas lawm.

Ruam 1: *Ua daim ntawv tsis txaus siab*

Ib tus neeg twg, chaw ua haujlwm nom tswv los yog koom haum tej zaum yuav sau tau daim ntawv tsis txaus siab no txog tej uas ua tsis raws tus qauv dej num nyob hauv koog tsev kawm ntawv.

Kev tsis txaus siab hais txog kev sib cais haiv neeg yam tsis raug cai no tej zaum yuav tau muab sau tias tus uas nws muaj kev nyuab siab vim nws raug cais los haiv neeg txawv los yog lwm tus uas pom tau tias ib tus neeg los yog ib pab neeg twg raug tsim txom vim nws/lawv raug cais tawm yam tsis raug cai. Tus tsis txaus siab yuav tsum mus sib hais tsis pub lig tshaj 6 lub hlis txij hnuv uas tau raug sib cais losyog txij li hnuv uas tus tsis txaus siab paub txog qhov kev sib cais no thawj zaug. (Kev Cai Lijchoj Tshooj 5, CCR 4630).

Qhov tsis txaus siab no muab hais tau rau tus saib tej kev tawmtsam no sau tseg, muaj ib tug leb sau nrog thiab hnuv tim ntaus ua thwj rau daim ntawv.

Yog tus tsis txaus siab ntawd tsis muaj peev xwm sau daim ntawv tsis txaus siab vim yog tsis txawj sau ntawv losyog puas hlwb puas cev, cov neeg hauv koog tsev kawm ntawv yuav tau pab sau daim ntawv tsis txaus siab rau nws. (Kev Cai Lijchoj Tshooj 5, CCR 4600).

Ruam 2: Rhiav Kev Sib Hais Kom Haum

Hauv 3 hnuv uas tau txais cov lus tsis txaus siab no, tus ceev kev ruaj ntseg phab kev tsis txaus siab yuav tsum nrog tus neeg tsis txaus siab no tham hais txog qhov nrhiav kev los sib hais kom haum. Yog tus tsis txaus siab pom zoo mus ntsib nrog tus pab sib hais kom haum, tus ceev kev ruaj ntseg yuav tau teem caij rau mus sib hais.

Ua ntej yuav mus sib hais txog kev tsis txaus siab, tus ceev kev ruaj ntseg yuavtsum saib kom tseeb tias 2 tog uas muaj lus ntawd puav leej pom zoo cia tus nrog hais kom haum ntawd ua tus hnov tag nrho nkawd tej lus uas tsis pub leej twg paub.

Yog qhov kev pab hais kom haum no pab tsis tau raws li txoj kev cai lijchoj tso cai rau hais lawm, tus ceev kev ruaj ntseg yuav tsum pib soj ntsuam qhov kev tsis txaus siab no mus ntxiv.

Qhov kev pab hais kom haum no yuav tsum tsis txhob ntev tshaj li hauv paus tsev kawmntawv lub sijhawm teev tseg los mus soj ntsuam xyuas thiab daws cov lus tawmtsam no xyeej tias tus tsis txaus siab pom zoo sau ua ntawv tseg kom txuas sijhawm ntxiv. (Kev Cai Lijchoj Tshooj 5, CCR 4631)

Ruam 3: Soj Ntsuam Taug Kev Tsis Txaus Siab

Tus ceev kev ruaj ntseg yuavtsum teem kom tau lub rooj soj ntsuam sib ntsib ua ntej 5 hnuv txij li hnuv nws tau txais cov ntawv sau hais kev tsis txaus siab no losyog tsis li ntawd ces kuj yog ua tsis tau raws li kev yuav sib hais kom haum ntawd lawm. Qhov teem kev sib ntsib zaum no yog pub caij nyooog rau tus neeg tsis txaus siab thiab nws losyog nws tus sawv cev tau rov qab piav txog nws cov kev tsis txaus siab ntxiv.

Tus neeg tsis txaus siab thiab losyog nws tus sawv cev thiab tus sawv cev ntawm koog tsev kawm ntawv yuav muaj caij los sib tham txog tej lus uas tus neeg tsis txaus siab muaj. Tus raug liam thiab tus tsis txaus siab yuav muaj caij los sib hais thiab sib nug txog nkawd cov lus tsis txaus siab thiab los nug cov ua pov thawj ntawm ob tog. (Kev Cai Lijchoj Tshooj 5, CCR 4631).

Ruam 4: Teb Rov Qab

Hauv 60 hnuv uas txais tau cov lus tsis txaus siab no lawm, tus ceev kev ruaj ntseg yuav tsum npaj kom tau cov ntaub ntawv uas koog tsev kawm ntawv tau soj ntsuam pom thiab raws li lawv kev txiav txim siab thiab muab xa mus rau tus neeg tsis txaus siab, raws li hais nyob rau ruam 5 hauv qab no. (Kev Cai Lijchoj Tshooj 5, CCR 4631).

Ruam 5: Daim Ntawv Txiav Txim Siab Zaum Kawg

Hauv paus tsev kawm ntawv kev txiav txim yuav sau ua ntawv tseg thiab xa rau tus tsis txaus siab. (Kev Cai Lijchoj Tshooj 5, CCR 4631)

Daim ntawv tshab xo sau hais txog koog tsev kawmntawv qhov kev txiav txim siab yuav sau ua lus Aaskiv thiab ua tus neeg tsis txaus siab hom lus thaum pom tau tias tsim nyog losyog ua raws li kev cai lijchoj. Yog tias tsis tas yuav txhais ua tus tsis txaus siab ntawd hom lus, no ces koog tsev kawm ntawv mam li npaj kom tau cov neeg hauv zej zos tuaj pab txhais lus rau tus neeg tsis txaus siab.

Daim ntawv tshab xo no yuav tsum muaj cov nram no nyob rau hauv:

1. Kev txiav txim li cas thiab yuav muab cov lus tsis txaus siab no kho kom zoo mus li cas. (Kev Cai Lijchoj Tshooj 5, CCR 4631)

2. Vim li cas thiaj txiav txim mus li ntawd. (Kev Cai Lijchoj Tshooj 5, CCR 4631)
3. Tus raug hais tsis zoo muaj cai coj cov lus no mus rau tom California Department of Education, thiab seb yuav ua li cas thiaj coj tau cov lus no mus rau tod. (Kev Cai Lijchoj Tshooj 5, CCR 4631)
4. Yog cov lus tsis txaus siab vim kev txwv lossis cais tsis raug cai, daim ntawv teev cov lus no yuav tsum tau tos li ntawm 60 hnuv tom qab coj mus rau tom California Department of Education thiaj mam li nrhiav seb puas tau lwm yam kev txiav txim los ntawm txoj cai teev tseg. (Kev Cai Lijchoj Tshooj 5, CCR 4631: Kev Cai Kawm Ntawv Nqe 262.3)
5. Teev tseg txhua yam tau hais tswm sim thaum cov lus no tau muab tham thiab seb muab daws li cas rau li cas lawm.

Yog ib tug neeg ua haujlwm twg raug qhuab qhia los ntawm kev txiav txim tsis txaus siab no, daim ntawv sau tseg no yuav tsum hais txog tias muaj kev qhuab qhia thiab tus neeg ua haujlwm ntawd tau txais tej lus qhuab qhia los ntawm hauv paus tsev kawmntawv kom nws yuav tsum ua li cas lawm yav tom ntej. Daim ntawv no yuav tsum tsis txhob piav txog ntxiv tias kev qhuab qhia ntawd mus li cas rau li cas.

UA DAIM NTAWM TSIS POM ZOO YUAV XA MUS RAU TOM THAWJTSWJ KOOG TSEV KAMNTAWV SAIB XYUAS PHAB KEV QHIA NTAWV

Tus neeg tsis txaus siab muaj cai sau tsab ntawv tsis pom zoo yuav raws li koog tsev kawm ntawv kev txiav txim siab mus rau tus Thawjtswj Koog Tsev Kawmntawv Saib Xyuas Phab Kev Qhia Ntawv (California Department of Education) hauv 15 hnuv uas tau txais tsab ntawv txiav txim siab ntawm koog tsev kawm ntawv. Yog muaj qhov yuav taus, tus thawj (Superintendent of Public Instructions) muaj peev xwm ntxiv sijhawm tshaj qhov hais los saud. (Kev Lijchoj Tshooj 5, CCR 4652)

Thaum ua daim ntawv tsis pom zoo yuav no rau tom tus Thawjtswj Koog Tsev Kawmntawv Saib Xyuas Phab Kev Qhia Ntawv, tus tsis txaus siab yuav tsum qhia txhua yam tias vim li cas nws thiaj tsis pom zoo yuav raws li hauv paus tsev kawmntawv txiav txim thiab yuav tsum muaj ib daim qauv uas thawj zaug sau txog kev tsis txaus siab thiab kev txiav txim los ntawm hauv paus tsev kawmntawv.

Tus Thawjtswj Koog Tsev Kawmntawv Saib Xyuas Phab Kev Qhia Ntawv muaj feem cia li nqis tes los mus hais thiab txiav txim rau tej lus tsis txaus siab tsis tas tos hauv paus tsev kawmntawv nqis tes hais li yog tias muaj tej yam raws li teev tseg hauv Kev Lijchoj Tshooj 5, CCR 4650 tshwm sim. Tsis tas li ntawd, Thawjtswj Koog Tsev Kawmntawv Saib Xyuas Phab Kev Qhia Ntawv muaj feem cia li nqis tes hais tej rooj uas hauv paus tsev kawm ntawv tsis nqis tes hais es 60 hnuv tau dhau lawm thaum lub sijhawm uas daim ntawv tsis txaus siab tau tshwm sim teev tseg los.

LWM YAM KEV PAB RAW S LI TXOJ CAI

Tus tsis txaus siab muaj cai nrhiav lwm yam kev pab dhau li ntawm hauv paus tsev kawm ntawv kev xam maj. Txhua tus tsis txaus siab muaj cai nrhiav kev pab los ntawm lwm yam koom roos lossis tej kws lijchoj hais plaub ntug. Lwm yam kev pab los ntawm kev txiav txiv hauv xam muaj me ntsis xws li txwv tus neeg luag tsis txaus siab rau ntawd ua tejam dabtsi ntxiv rau tus tsis txaus siab thiab ua daim ntawv txwv tsis pub tus neeg phem los mus ze ib thaj ncig tus neeg tsis txaus siab ntawd. Hos cov uas tsis txaus siab vim yog raug txwv lossis cais tsis raws cai mas yuav tsum tau tos 60 hnuv tom qab lub sijhawm uas ua daim ntawv tsis pom zoo txais kev txiav txim rau tom tus Thawjtswj Koog Tsev Kawmntawv Saib Xyuas Phab Kev Qhia Ntawv thiaj li nrhiav tau lwm yam kev pab. Qhov kev tos no tsis tas yuav tos yog tias tus tsis txaus siab nrhiav kev pab ntxiv xws li kom tus neeg luag tsis txaus siab rau ntawd tsis txhob ua tej yam dabtsi ntxiv rau tus tsis txaus siab thiab tsuas tau tos yog tias hauv paus tsev kawm ntawv tau ua yog, raws sijhawm, qhia tus tsis txaus siab txog nws kev muaj feem ua dabtsi rau dabtsi hais txog sau daim ntawv tsis txaus siab raws li teev tseg hauv Kev LiChoj Tshooj 5, CCR 4622.

Regulation SACRAMENTO CITY UNIFIED SCHOOL DISTRICT
 approved: November 16, 1998 Sacramento, California
 reviewed: June 11, 2002
 revised: February 3, 2005